

**Հայոց լեզվի օլիմպիադայի հանրապետական փուլի
Պատասխաններ - 9-րդ դասարան**

1. Տունը, որտեղ ծնվել է ավստրիացի հանրահայտ **երգահանը**՝ Ֆրանց Շուբերտը, գտնվում է Վիեննայից ոչ հեռու՝ **ծաղկաթփերով** գոտևորված հինավուրց մի բնակավայրում:

Ֆրանցի՝ երգարվեստի հանդեպ բուռն սերը, նաև **բացառիկ** ընդունակություններն այնքան ակնհայտ էին, որ վեց տարեկան մանուկը պատրաստ էր օրվա մեծ մասը անցկացնելու երաժշտանոցում:

Տարիներ անց արդեն հասուն Ֆրանցը ազատ ստեղծագործելու համար վարձեց փոքր մի սենյակ և որոշեց առանձնանալ **ընտանիքից**: Չափազանց աշխատասեր էր. արթնանալով **վաղորդայնի** առաջին շողերի հետ՝ իսկույն սկսում էր **ստեղծագործել**, մինչև մարմինն ամբողջովին ձգվում էր, մատները՝ ընդարմանում: Քնելիս ակնոցը շատ հաճախ չէր հանում, որ արթնանալուն պես անմիջապես **թղթին** հանձներ մտքում ծնվող մեղեդիները: Հպարտ, ինքնամփոփ, նաև **գաղտնապահ** էր. ընկերները տեղյակ չէին նրա ո՛չ հիվանդության, ո՛չ էլ անգամ հացի գումար չունենալու մասին: Այդուհանդերձ, Շուբերտն աշխատում էր **գիշերուզօր**՝ չնայած առողջության օրեցօր վատթարանալուն:

Մի անգամ՝ սենյակ **մտնելիս**, ընկերները նկատեցին, որ Ֆրանցը նոտագրված մի թուղթ նետեց աղբամանը: Տղաներից մեկը, բոլորից աննկատ վերցնելով թուղթը, որի վրա գրված էր «Ավե Մարիա», դրեց գրպանը:

Հաջորդ կիրակի՝ պատարագի օրը, Շուբերտը գնաց եկեղեցի: Ներսում խորախորհուրդ լռություն էր, և հանկարծ հնչեց հոգեպարար մի մեղեդի: Շուբերտի սիրտը թրթռաց. չէ՞ որ դա Տիրամորն ուղղված մեղեդին էր, որի նոտագրումն ինքը երկու օր առաջ նետել էր աղբամանը:

Գաղտնիքը, հիարկե, շուտով պարզվեց: Տիրամորը փառաբանող ամենաշքեղ երգը, շնորհիվ Շուբերտի ընկերների, դարձավ մարդկության թանկարժեք նվերը:

2. Երգահանը-ենթ., **ծաղկաթփերով**-ներգործող խնդ., **բացառիկ**-որոշիչ, **մտնելիս**-բաց. **ընտանիքից**-անջ. խնդիր, **վաղորդայնի**-հատկ., **ստեղծագործել**-ուղիղ խնդ., **թղթին**-հանգման խնդ., **գաղտնապահ**-ստորոգելի, **գիշերուզօր**-ժամ. պարագա,

3. ծաղկաթփերով գոտևորված-հարակատար, մտքում ծնվող-ենթակայական, Տիրամորը փառաբանող –ենթ.-որոշիչներ

օրվա մեծ մասը անցկացնելու երաժշտանոցում -անորոշ - հանգման խնդիր
ազատ ստեղծագործելու համար -անորոշ- նպատակ. **առանձնանալ ընտանիքից-անորոշ**- ուղիղ խնդ.

արթնանալով վաղորդայնի առաջին շողերի հետ-անորոշ - ժամանակ սենյակ մտնելիս- համակատար-բացահայտիչ

հացի գումար չունենալու մասին- անորոշ - վեր. խնդ. **բոլորից աննկատ վերցնելով թուղթը**-անորոշ-ձևի

չնայած առողջության օրեցօր վատթարանալուն-անորոշ - զիջման պարագա

4. Հեռու-տեղի, հաճախ-ժամ., չափ, արդեն-ժամ., չափազանց-չափի, գիշերուզօր-ժամ., իսկույն-ժամ., ձև, ամբողջովին-չափի, անմիջապես- ժամ., ձև, հանկարծ-ձև, օրեցօր-ժամ.,

5. ընդ-ուն-ակ, հին-ավուրց, ընտանի-ք, թանկ-արժ-եք, վաղ-որդ-այն, խոր-ա-խորհ-ուրդ, առ-աջ-ին, բաց-առ-իկ, առ-ողջ-ություն, հաս-ուն

6. սակավապետ-ժուժկալ, գուսպ, նկրտում-ձգտում, իդձ առաթուր-ոտնակոխ, ոտնատակ, ճամարտակել-ճոռոմաբանել, շատախոսել, շաղակրատել, մուճակ- ոտնաման, տնային կոշիկ, վեհերոտ- վախկոտ, ընկճված, թուլամորթ, **ձաղկել-ծեծել, մտրակել, խարազանել, չարչարել, քննադատել, պնակալեզ-** շողոքորթ, հացկատակ, **ասպագեն-** զենք ու զրահ, **խանդադատանք-** գորովանք, գորով, սեր, գուրթ

7. նպատակամետ, դյուրաբորբոք, աննկուն, քմահաճ, նրբանկատ, խոհուն, հանդուգն, վիատ, մարդախույս, հաշվենկատ:

8. **Կայենի խարան**-եղբայրասպանի՝ դավաճանի կնիք **Հուդայի համբույր**-դավաճանական գործողություն, **Ռուբիկոնն անցնել**- վճռական քայլ կատարել, **կաթիլը քար է ծակում**- համբերելով նպատակիդ կհասնես, **տրոյական ձի**-խարդավանք, խորամանկ որոգայթ
Գնահատման չափանիշներ- 9-րդ դասարան

Գնահատման չափանիշներ 9-րդ դասարան

Ամբողջ հարցաշարին տրվում է 50 միավոր, որից՝

1. Բնագրի ճիշտ կետադրության համար տրվում է 5 միավոր:

Կետադրական կանոնին վերաբերող յուրաքանչյուր ոչ ճիշտ նշանի դեպքում հանվում է 0,5 միավոր:

2. Յուրաքանչյուր ճիշտ պատասխան՝ 0,5, ընդհանուր՝ 5 միավոր:

3. Յուրաքանչյուր ճիշտ պատասխան՝ 0,5, ընդհանուր՝ 5 միավոր:

Եթե պաշտոնը կամ դերբայը սխալ է նշված, հանվում է 0,25 միավոր:

4. Յուրաքանչյուր ճիշտ պատասխան՝ 0,5, ընդհանուր՝ 5 միավոր:

Եթե տեսակը սխալ է նշված, հանվում է 0,25 միավոր:

5. Յուրաքանչյուր ճիշտ պատասխան՝ 0,5, ընդհանուր՝ 5 միավոր:

Եթե արմատը կամ ածանցը սխալ է նշված, միավոր չի տրվում:

6. Յուրաքանչյուր ճիշտ պատասխան՝ 0,5, ընդհանուր՝ 5 միավոր:

7. Յուրաքանչյուր ճիշտ պատասխան՝ 0,5, ընդհանուր՝ 5 միավոր:

8. Յուրաքանչյուր ճիշտ պատասխան՝ 1, ընդհանուր՝ 5 միավոր:

Բոլոր առաջադրանքների ուղղագրական յուրաքանչյուր սխալի համար հանվում է 1, կետադրականի համար՝ 0,5, քերականական, ոճական և տողադարձի սխալներից յուրաքանչյուրի համար՝ 0,25 միավոր, շարադրության ծավալը չապահովելու համար՝ 0,5 միավոր: